



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita P. Balthassaris Alvarez, Societatis Iesv Religiosi

Puente, Luis de la

Coloniae Agrippinae, 1616

Cap. XXXVIII. Hoc tempore profectus est Burgos, at duabus personis suis cognatis modum quendam vitæ valdæ ordinatum tradidit

urn:nbn:de:hbz:466:1-42916

CAPVT XXXVIII.

HOC TEMPORE PROPECTVS

est Burgos ac duabus personis suis cognatis modum quendam vita valde ordinatum tradidit.



41. Reg. 15.
22.

VAMVIS P. Balthassar adeo mortificatum haberet affectum ad suos cognatos, ut nullo prætectu vellet illos accedere, ut suprà est dictum: pluris tamen faciebat a Obediencia, quam victimam (ut ait Scriptura): obediendo enim mortificabat & sacrificabat proprium iudicium & voluntatem, quod Sacrificium magis Deo placet, quam mortificatio non visitandi cognatos spontè assumpta, cum Superiores iustas ob causas iubent contrariū fieri. Quare hoc ipso tempore iussus ab Obediencia profectus est Burgos, petente id Doctore D. Ioanne Diecz-Moralio Salcedio, Archidiacono, Larano, & Canonico sanctæ illius Ecclesiæ, ac Censore siue Pro-Episcopo, Cardinalis Patieci, eius Archiepiscopi, & postea Inquisitore Vallis-Oleri, qui habebat apud se D. Eduigam Aluariam eiusdem P. Balthassaris sororem, viduam, quæ fuerat vxor Fratris ipsius D. Ioannis, & alteram sororem suam D. Elisabetham Salcediam, vtramque exemplaris virtutis, valdeque exercitatas in

Ora

Oratione, & pœnitentia; quas P. Balthassar seriò
constituit iuuare, vt in Oratione & familiaritate
cum Deo, reliquisque virtutibus perficerentur.
Ne autem quæ illis tunc dicebat obliuioni trade-
rent, scriptum reliquit ordinem, ac occupatio-
num totius diei distributionem adeò spirituales,
& piam, eiusque qualitatibus personis accommo-
datam, vt operæ precium existimauerim scriptum
illud hic inferere, vt similes aliæ eodem vti pos-
sint, & Confessarij ipsi intelligant, qua ratione sint
dirigendæ, quæ cupiunt esse perfectæ.

VT autem, quæ hic præscribentur, melius in-
telligantur, supponendum est: P. Balthassarem (vt
cap. 14. supra est dictum) omnibus, quos circa O-
rationem instruebat, post peractas Meditationes
de peccatis, & quatuor Nouissimis, consueuisse
consulere, vt verò se traderent meditationi my-
steriorum Dominicæ passionis, ob ingentes fru-
ctus ex eis prouenientes, ad feruentius perfectius-
que exercendum dolorem peccatorum, sui ipso-
rum, mortificationem, amorem Dei, & proximor-
um virtutesque omnes excellentius acquirendas.
in quem finem eis inculcabat: ne existimetis, vos
aliquid fecisse, donec Christum crucifixum in
corde vestro gestetis, (vt in eodem loco supra fuit
significatum) per continuam memoriam, cogni-
tionem, amorem, & imitationem supremi huius
Redemptoris; & virtutum heroicarum, quas in
ipsa cruce exercuit. His præmissis, ordo orandi,
vitamque instituendi, quem ipse illis præscripsit,
sic habet.

STATIM atque euigilaueris, reuoca in memo-
riam mysterium, tunc meditandum: ne aliæ cogi-
tationes

ff

» rationes præueniant, & cor effundant, & in Ora-
 » tione distrahant. Ingressa locum Orationis asper-
 » ges te aqua benedicta, vertesque arenarium horo-
 » logium in signum horæ futuræ Orationis; & vno,
 » vel gemino passu, antequam genu flectas, subfi-
 » stes paulisper, cogitans, ad quem sis accessura, vt
 » cum eo agas; & mox inclinato capite, in testimo-
 » nium reuerentiæ interioris ad maiestatem illam
 » diuinam, flexisque genibus gratiam petes, vt co-
 » gitationes tuas, verba, & opera ad eius diuinum
 » obsequium dirigere dignetur: interim perpendes,
 » quàm deceat, creaturam, vt rectè agat, totam à suo
 » Creatore dependere, sine quo, & eius auxilio, ni-
 » hil boni possit; nec vel vnicam quidem cogitatio-
 » nem bonam etiam minimam habere.

» **P O S T E A** ita mysterio meditationis te præ-
 » sentem facies, quasi in ipso Oratorio, & ante o-
 » culos tuos illud gereretur: cumque vt plurimum
 » Meditationis argumentum futurum sit de myste-
 » rijs Passionis, hæc erit ratio seruanda, vt primùm
 » ipsum Dominum ores, vt qui te suorum merito-
 » rum fructusque suorum cruciatuum participem
 » facit: communicet etiam sanctas cogitationes, &
 » sensa sua, vt de eius mysterijs rectè cogites, ac
 » sentias, prout ipsi magis placebit, tibi que erit uti-
 » lius. *Primùm* igitur cogita, quis ille sit, qui pati-
 » tur: quòd scilicet sit Deus. *Deinde*, quid patiatur:
 » idque non tam mentis ratiocinatione confide-
 » rans, quàm oculorum mentis aspectu videns, qua-
 » les contemptus, opprobria, cruciatusque susti-
 » neat. *Tertiò* eius patientiam in cruciatibus susti-
 » nendis aspicias; humilitatē in contemptibus; cha-
 » ritatem in odio, & inuidia hostiū suorū toleranda:

& ob-

obstupescens, quod sic tractetur, interroga: in-
 Maieſtatis Domine, quis timor, quodue cō-
 modū facit te talia pati? & mox animæ occurret
 prior reſponſio: nec timor, quia ſum Omnipō-
 tens; nec lucrū aut commodū, cum ſim Deus, nec
 illo indigeā extra me; ſed amor ſolus, quo te pro-
 ſequor: Et in hoc verbo AMORIS cū magno ſenſu
 ſubiſtes, donec anima ſentiat, ſe propēſam & ob-
 ſtrictam ad oſtendēdam Deo ſuo amorem eadem
 via, qua ipſe ſuū oſtendit: ſuſtinendo ſcilicet, de-
 ſertiones, contemptus, aliorum ingenia, & mores
 tuis contrarios; ſcilicet & alia, quę tibi diſplicēt. Nam
 ad medicandū vtiliter, vtriq; attendendū eſt: con-
 ſiderationi ſcilicet myſteriorū, & priorū mo-
 rū reformationi: cogitādo, quid poteris ſuſtinere,
 & aliquo modo reſpondeat ijs, quę ſuſtinuit ipſe
 Chriſtus: excellior. n. orādī & proficiēdi ſcientia,
 plus in eo cōſiſtit; vt benē aliquid ſuſtineas teque
 humiliter: quā quodd cōſolationes & ſolatia ſētias.

IN pręcipuis feſtis haberi poterit de ipſorū my-
 ſterijs oratio: quod ſi fuerit dies cōmunionis prę-
 mittitur oratio de ſanctiſſimo Sacramēto; vesperti-
 autem, aut poſt gratiarum actionē, de ipſis feſtis.

IN ariditate, obſcuritate, aut cordis duritie,
 & in quocūq; alio interno impedimēto, cogita,
 tua peccata ibi ſe inſerere: quę ſi non agnoueris
 ex ea parte, qua Deum offenderunt: agnoſce ex
 duritie, & impedimento, quod tibi reliquerunt;
 humiliare, dicasq; Deo: hæc, Domine, meæ ſemē-
 tis eſt meſſis, hic pręteritorū meorū annorū fru-
 ctus: ſiquidē impedimētū hoc à peccatis meis pro-
 cedit, quibus te irritaui; & neq; tu mihi fuiſti pro-
 merit: neq; ego tibi debui. Doleo, ac poenitet me:

„ & vellem lacrymas, sensumque eorum habere,
 „ qui tibi maximè placuerunt; sed qua parte poena
 „ est, & punitio eorum, à te ita constituta, gaudeo
 „ ego: ut qui talia fecit, ita illa luat. Perderet res,
 „ quàm diutibi placuerit, etiam per totam vitam,
 „ quæ extendatur, ad mille annos. Et quoniam Deus
 „ in suis est creaturis, illis in suis locis manentibus,
 „ si te noueris benè humiliare, poenamque, quam
 „ ipse mittit, libenter suscipere: magnam senties
 „ quietem, & solatium. Quod si voti fies compos,
 „ perges, quàm te Deus deducet; sin minus hanc hu-
 „ miliacionis & fiducia viam tenebis, quæ tutissi-
 „ ma est.

„ QVOTIDIE quadrantem minimum horæ, le-
 „ ctioni tribues spiritali libelli de imitatione
 „ Christi, aut pij alterius; per quadrantem item an-
 „ tequam incumbas, conscientia tua examen insti-
 „ tues; præscribas tibi certum tempus incumbendi,
 „ & surgendi; imminuendo vespertinas occupa-
 „ tiones, quò te recipias tempestiuè. Octauo quo-
 „ que die confitearis & communica; & aliquando
 „ etiam intra septimanam cum approbatione tui
 „ Confessarij: cuius iudicium tara in hoc quàm alijs
 „ quotidianis poenitentijs sequeris; & præferes
 „ cuicunque alteri deuotioni, aut seueritati pro-
 „ pria tua voluntate assumptæ: sic enim Deo magis
 „ placebis, tutiusque progredieris; scribesque mihi
 „ singulis mensibus, quomodo in his tibi succedat:
 „ primum de sanitate; deinde de interna tua recol-
 „ lectione; tertio de lectione; quarto, de confessio-
 „ ne, & communione; quinto, an aliquam habeas
 „ calamitatem aut molestiam, quæ te exerceat; aut
 „ recens beneficium, & solatium, quod exstimulet.

HANC

HANC viuendi formam reliquit Sorori, & eius sociæ, non solum scriptam, sed animabus etiã impressam: tanto enim spiritus ferore eas alloquebatur; vt, quamdiu eum audiebant, lacrymas semper funderent ex deuotionis igne, quem intus sentiebant. allocutus sum ego aliquoties Inquisitoris sororem, quæ diu in hac ciuitate mansit, & aduerti, plurimum eam in virtute profecisse. Fuit singularis in magnis poenitentijs ciliciorum, flagellationum, & ieiuniorum, quatuor diebus in septimana & sæpe in pane & aqua; nunquam in lecto iacebat, & integras sæpe noctes transigebat in oratione. Nihil in libro S. Catharinæ Senensis, cui valde erat addicta, legebat, quod attineret ad poenitentiam & asperitatem, quod ipsa non vellet executioni mandare. Vndecim annos ante mortem obstrinxerat se voto gestandi ferream catenam corpori accinctam, die, noctuq;. Et cum ex continua eius gestatione vlcus quoddam fuisset factum, balsamo sibi medebatur: & quamuis morbus, ex quo obiit, quatuor mensibus durauerit: nunquam tamen catenam deposuit, nisi bi duo ante mortem: ne, cum ferali amictu induenda esset, aduerteretur illam habuisse. Admirabilem ostendit in prolixo illo morbo patientiam, & per multos annos in dentium doloribus: ita vt nullus de his doloribus, aut quod aliquid sibi deesset conquerentem audiret; sed semper vultum serenum, lætumque ostenderet; vtpote, quæ semper esset, quasi in oratione. Et sic tandem vitam suam sanctè finiuit, præmiumque obtinuit, quod pia Sancti P. Balthassaris monita fuisset secuta.